

瓊州府志卷之二

輿地志四 疆域

瓊州地居海中東西距九百七十里南北距九百七十五里自徐聞渡海半日可至瓊爲都會居島之北儋居西陲崖居南陲萬居東陲內包黎峒萬山峻拔外匝大海遠接島夷諸國瓊筦古志云外匝大海接烏里蘇吉浪之洲南則占城西則眞臘交趾東則千里長沙萬里石塘北接雷州府徐聞縣蕭志東至萬州烏魚場海岸四百九十里南至崖州小洞天海岸一千一百三十里西至儋州羊浦海四百八十里北至環海舖十里東南到陵水多峯港海岸五百四十里西南到感恩南港海岸八百一十里東北至文昌抱虎浦海岸一百六十里西北至臨高博白浦海岸二百八十里牛志至京師九千七百一十五里

東至定安縣八十里至文昌縣一百六十里至會同縣三百九十里至樂會縣三百五十里至萬州四百七十里至陵水縣五百八十里至峴州八百七十里

瓊州府志

卷三

輿地 疆域

一

瓊州海口海南書局印行

西至澄邁縣六十里至臨高縣二百三十里至儋州三百七十里至昌化縣六百五十里至感恩縣九百里至峴州一千一百里

水路

郡城北至海口港出海北行半日至雷郡徐聞縣之海安所

東行半日至文昌縣清瀾港又一日至會同縣調懶港又半日至樂會縣博敖港又半日至萬州蓮塘港又一日至南山李村港又一日半至崖州臨川港

西行半日至澄邁縣東水港又半日至臨高縣博舖港又一日至儋州羊舖港又一日至昌化縣烏泥港又一日至感恩縣抱羅港又一日至崖州保平港俱有港汶可泊舟俱同上

外路徐聞可半日到若達廣州由裏海行者順風五六日大海放洋者三四日福建則七八日浙江則十三日西至廉州四日自儋州西行二日可達交趾萬寧縣三日可抵斷山雲屯縣崖州南行二日接占城外國牛志

瓊山縣附郡首邑地廣一百五十里袤九十里蕭志  
東至文昌縣界一百里



西至澄邁縣界五十里

南至定安縣界八十里

北至海十里

東南至文昌縣界一百里

西南至黎界一百六十里

東北至文昌縣界五十里

西北至澄邁縣海崖五十里

澄邁縣在府城西六十里地廣七十里袤一百二十三里

東至瓊山縣界十里

西至臨高縣界六十里

南至黎峒接瓊山縣水尾司界一百二十里

北至海三里

東南至瓊山縣界七十里

瓊州府志

卷三

輿地疆域

二

瓊州海口海南書局印行

西南至黎峒一百二十里

東北至海十里

西北至海六十里

定安縣在府南八十里地廣八十七里袤二百四十里蕭志阮通志同

東至文昌縣界四十七里

西至本縣博曲生黎界四十里

南至本縣思河都生黎界二百三十八里

北至瓊山縣界二里

東南至會同縣界六十里

西南至儋州界一百一十里

東北至瓊山縣界十三里

西北至澄邁縣界六十五里

文昌縣在府東南一百六十里地廣一百二十里袤二百一十里



東至海六十里

西至瓊山縣界六十里

南至會同縣界六十里

北至海一百五十里

東南至海九十里

西南至定安縣界一百二十里

東北至海一百二十里

西北至海一百五十里

會同縣在府東二百九十里地廣五十五里袤七十五里

東至海三十里

西至定安縣界二十五里

南至樂會縣界二十五里

北至定安文昌兩縣交界五十里

瓊州府志

卷三

輿地疆域

三

瓊州海口海南書局印行

東南至海港三十里

西南至樂會縣界十五里

東北至文昌縣界七十里

西北至定安縣界五十里

樂會縣在府東南三百三十里地廣二百六十里袤四十里

東至海一十五里

西至縱橫黎峒二百四十五里過西皆生黎

南至萬州界二十五里

北至會同縣界一十五里

東南至海二十里

西南至萬州界七十里

東北至會同縣界三十里

西北至定安縣界四十二里



臨高縣在府西南二百三十里地廣一百一十里袤一百二十里

東至澄邁縣界六十里

西至儋州界五十里

南至生黎山界九十里

北至海三十里

東南至定安縣界八十里

西南至儋州界七十里

東北至澄邁縣界六十里

西北至海八十五里

儋州在府西南三百七十里地廣一百三十五里袤一百四十里

東至透幕山黎界一百里

西至洋浦海岸三十五里

南至筆架山黎界一百里

北至海四十里

東南至黎界五十里

西南至昌化縣界一百一十里

東北至臨高縣界七十里

西北至海五十里

昌化縣在府西南六百五十里地廣一百一十里袤一百四十里

東至黎峒一百里

西至海十里

南至感恩縣界四十五里

北至儋州界九十五里

東南至黎界六十里

西南至感恩縣界四十五里

東北至儋州界五十里



西北至海十三里

萬州在府東南四百七十里地廣二百零五里袤一百二十里

東至海二十五里

西至鷓鴣山一百八十里

南至海二十五里

北至樂會縣界九十五里

東南至海三十里

西南至陵水縣界一百里

東北至蓮岐嶺七十里

西北至縱橫峒黎界一百六十里

陵水縣在府東南五百八十里地廣九十里袤一百五十里

東至海三十里

西至黎峒六十里

瓊州府志

卷三

輿地疆域

五

瓊州海口海南書局印行

南至崖州海岸六十里

北至萬州界九十里

東南至海三十里

西南至崖州界六十里

東北至萬州界九十里

西北至黎峒一百三十里

崖州在府南中隔黎峒由東路八百七十里西路一千一百里地廣二百五十里袤一百

二十里

東至三亞港海岸一百六十里

西至望樓港海岸九十里

南至海二十里

北至儋州薄沙司黎界一百里

東南至海一十三里



西南至海一百二十里

東北至陵水縣界二百四十里

西北至感恩縣界二百一十里

感恩縣在府西南九百里地廣九十五里袤一百二十五里

東至崖州界八十五里

西至海十里

南至海三十里

北至昌化縣界九十五里

東南至崖州界一百一十里

西南至海四十里

東北至昌化縣界九十里

西北至海三十里

瓊州背阻大海限以天塹三面俯臨軍州勢若建瓴廣藩西南此爲雄郡綿亘三千餘里

五指腹心反爲黎據故郡邑封疆無不濱海者漸綏附版爲吾聲教地形勝迺甲於天下瓊山縣其山瓊山山瑩如玉白雲興焉其水瓊海故附郭曰瓊山縣西六十里曰澄邁縣有大勝之山澄江之水出焉西一百八十里曰臨高縣有那盤之嶺長江經流其下南八十里曰定安縣其南五峰如指雲霧蔽之曰黎母山浦水合建江入于海東一百六十里曰文昌縣七洲之下有泉出焉其味甘冽謂之淡泉航海者於此取水采薪東二百九十里曰會同縣是多怪石黎水分流大塘瀦之歲常不涸東南三百五十里曰樂會縣三山之嶺其巔有井名曰金牛歲旱禱之應萬泉之水合於博敖以入于海西南三百七十里曰儋州有松林之山新昌之水出焉南二百九十里曰昌化縣有峻靈之山其上石如冠帽是名落膊南北之江海艘泊焉東四百七十里曰萬州有東嶺之山中有石室丹井金仙之水瀦焉南六十里曰陵水縣有聲山嚮如人言有都籠水西南流入于海南一千一百一十里曰崖州有鼇山其巖曰大小洞天水南之水經於城南有龍潛焉其深莫測西南三百二十里曰感恩縣東有息風之山有巨穴颶風將作禱之則止東北有南龍之江源於黎母南流入于海夫瓊中國外境也大海是環番夸四達廣袤三千餘里西南雄郡



無逾此者且邊海之饒見稱往古風潮雖異而氣候無惡漢人所謂鱗介易我衣裳者豈其然乎隋唐之際俗爲一變明興聖祖稱爲南溟奇甸有華夏之風自是鼎臣繼出名滿神州至誠前知信有徵矣

黃通志圖經

瓊郡當珠海之衝挹瓊山之秀結嶠南不盡之餘氣萃發宿獨鍾之精英蔽業中函汪洋四繞洵嶺表之雄郡宇宙之奇構也瓊山縣土壤平衍山無險峻附郭中立南俯清流北臨渤海都會之區州縣之望澄邁縣平壤沃土東倚馬鞍西臨大勝澄江遠其南滄海緣其北臨高縣南俯長江北瞰大海那盆揖其左毗耶峙其右中平如掌坐臨四隅定安縣東據長坡西擁浦白羣山環遶於南建水紆迴於北文昌縣青山起伏於左長嶺延亘於右面羅小阜背擁群峰會同縣東臨巨海西抵黎山文塘之水遠其南西崖之嶺峙其北山川鞏固土壤沃饒樂會縣東枕滄海西距黎峒層巒起伏於前深溪環遶於後水清山碧競秀爭奇儋州東瞻峻嶺西俯滄溟新昌水旋遶於南那細峯巖巖於北昌化縣東控黎山西臨大海神山拱其北馬嶺峙其南萬州華峯巖嶮鞍嶺嵯峨三面水環其南六連山擁其北陵水縣東倚層巒西控黎峒海波浩瀚乎南筆峯崔巍乎北崖州境多高山大林左據迴風之雄右揖龍樓之險南山高壓重溟鞍嶺遠連五指二流繞郡分派朝宗感恩縣東枕羣峰西環大海青山拱揖碧水縈廻

賈志形勝

輿地志五 風俗

秦泉通志云習禮義之教有華夏之風

洪武詔旨

性淳俗樸猶用古數

外記按海南自秦

并天下始爲南越外境通於中國秦以水德王其數用六今瓊人行使銅錢猶用六數以六文爲一錢六十文爲一兩六百元爲一貫又田禾以六把爲半擔十二把爲一擔亦用六數皆秦舊俗也

有三熟之稻八登之蠶 冬種夏熟曰小熟 吳都賦國稅再熟之稻鄉貢八繭之綿蓋瓊三國時屬吳故云自宋播占城禾種夏種秋收今有三熟者低田一歲兩收養蠶一歲八登

以檳榔爲命 四州皆產文昌瓊山會同特多人無貧富皆酷嗜之以消瘴能忍饑而不能頃刻去此親朋來往非檳榔不爲禮至婚禮媒妁通問之初潔其檳榔富者盛以銀盒至女家非許親不開盒但於盒中手占一枚卽爲定禮凡女子受聘者謂之喫某氏檳榔此俗延及閩廣吳都賦檳榔無柯椰葉無陰蓋指此土



以薯菜爲糧 地高田少處則種山禾或薯預天南星粟豆兼粒食食之東坡云海南薯菜爲糧幾米之十六

酒無麴藥 寰宇記有木曰嚴樹擣其皮葉浸以清水以麴釀和之或取石榴花葉和釀溫之數日成酒能醉人 舊志以籐草有辛香者搗和米粉圓爲藥餅炊麴糯米飯屑和之釀於甕暑月三五日涼月六七日即熟以水漬糟烙套籐筒曲爲酒鈎吸瀝出罌中今麴藥出儋州酒出臨高者佳

產鮮萬金 安土重遷不事遠販惟貨本土檳榔及黎村米穀次則皮張綿花蘇木沈香及布帽油蠟蕪荑等雜物皆不甚抵價值故產計萬金者城落無數家

少相婚嫁男女有室則分爨異財

士族多出中州 郡城縣城營居皆戎籍來非一方自宋元順化皆漢士餘裔洪武以來軍士自初撥張氏漫散則多蘇浙之人續撥征北潰亡陳氏各處元氏舊軍則多河之南北再調賴正孫之收集則又閩潮之產以後中原各處官吏充配踵至會染成習但戶墾赤籍不爭雄長故家有驟起者輒爭求結婚不相鄙笑若鄉落則多故家競持門第有乍

富乍貴者經一二世鄉里猶下指目恥與連婚

民皆服布專務農工少事商賈婦女專務紡績織布爲衣被縵帕 舊志婦女少事蠶桑紋綬專紡吉貝績麻織布被花幔手帕以爲貿易之資鄉村婦女出入用籐笠蓋頭系用治珠五色者穿繫爲飾至若遠鄉婦女粧飾皆從俚俗遐落樵佃尙挽髻正統間知府程瑩禁革俾從華俗今婦女飾粧與中州無異

大率城中輾集易於生息致富其失也奢蕩 郡城有積蓄者上則栽種花藥鑿池疊山次則競家戲圍棋鬪雄鷄山胡放鸚鵡下則酒色教戲誨淫賭博爽家故少有再承世者鄉落僻縣惟事田圃多勤勞儉約其失也鄙吝 專事田園無他生意田地確處卽窘乏如瓊山調塘符離濱順文昌南溪邁續等處是也勤儉遂生鄙吝西路尤甚傳聞可笑故雖無甚餘積而祖父稍有業者子孫多能世承此又遠邇氣習之異也

以上俱黃通志

禮俗

舊日冠不三加婚多越度喪用浮屠祭用俗節及進士吳錡尙文公家禮邱文莊著爲儀節土俗益多化之遠及隣邑吉凶弔賀往來郡城尤多近古如婚禮鋪床親迎見廟奩篋



器用添箱復臉訶數會親之節多同中州喪葬亦罕循俗而儀節之書天下通行黃通志

習尚重門第謹結婚宗衰世姻競持不改下戶奉事巨室如官府然間有衰薄雖經一二

代閭里猶以官呼之有新起家者故族猶恥與援病則以巫為醫以牛為藥貧者至鬻子

女為禱禳 蘇軾云病不飲藥但殺牛以禱富者至殺十數牛死者不復云幸而不死即

歸功於巫以巫為醫以牛為藥間有飲藥者巫輒云神怒病不可復治親戚皆為却藥禁

醫不許入門 李東陽徐鑑祠記民漸黎俗病不服藥唯殺牛祭鬼至鬻子女為禳禱費

公婉而導之民寢化皆感悅俱同上

地四平歲三穫民生存古樸之風物產有瑰奇之狀大清一統志

瓊山縣俗淳民樸士專詩書人守法度勤農桑重遷徙女紅紡織尤精刺紋原野不習火

葬之事老死不識刑名之書阮通志

澄邁縣民性頗淳士習經書女務紡績田饒家給頗類瓊山性勁喜事不受斥辱

定安縣其人性敏而善於詞說敦尚禮教雖無商賈白工之資而有勤儉務農之積然緣

飾為文易生奢靡俱同上

文昌縣民俗素樸情長禮厚雅治詩書衣冠文物大類瓊山治喪不用浮屠雞骨占休咎

土歷卜水旱南土沃而民情北土瘠而民澆故家遺族門第相矜牛志

會同縣土田腴瘠相半多種檳榔以資輸納民淳俗樸文教漸修蕭志

樂會縣民俗樸野猶有禮度近尚華麗阮通志

臨高縣民性梗直俗多俚野競喜事神不信醫樂讀書習俗大概與澄邁同阮通志

儋州民性簡直俗尚禮義專務農業不事商賈淳樸儉約少有儲蓄家習儒書多藝吉貝

織布人無僱佃俗有古風同上

昌化縣東北黎岐以刀耕火種為名曰斫山西南浮沙蕩溢墾為田必用牛力蹂踐令其

堅實方可注水民俗多類儋州惟治喪觀燈未免沿俗牛志

萬州民俗質野畏法城市以織造籐器為業婚喪競以鼓樂相高雖貧者亦極力稱貸為

之蕭志

陵水縣民性敦樸安分守法男耕讀婦紡織婚喪循禮疾不求醫專尚巫祝蕭志

崖州地雖遙遠水土頗善惟氣候不正春常苦旱涉夏方雨樵牧漁獵與黎獠錯雜出入



必持弓矢婦女不事蠶桑止織吉貝家自耕植田無備佃人多業儒俗重廉恥牛志

感恩縣民性樸野士兼耕讀寡爭頌婚嫁多從俗禮阮通志

自漢末至五代中原避亂者多家於此今衣冠禮樂蓋班班然矣蘇軾伏波廟記

魏晉以後中原多故衣冠之族或宦或商或遷或戍紛紛日來聚廬此處邱濬南溟奇甸賦

瓊郡枕海環山水多鹹鹵自儋至崖豐草與叢棘間生頑石與深沙載道刺竹參天雜樹

蔽日見天日處浮沙沒膝色白如銀跬步如履炮烙往來必須夜行阮通志引感恩志

儋俗事神有上帝會天妃會鄧天君會羊元帥會鑾輿五綵迎神十十大饗於村中景泰

天順間諺曰柳英有銀兒子跳神洪全有金阿母賣鍼阮通志

瓊東界地瘠以羊骨壅田終無穫腴壤多在西故諺云東路檳榔西路米糧同上

居處

瓊郡枕山藉海多海溢颶風之虞故公私宮室不得為高敞然規制與內地畧同遠僻州

縣多用茆茨即公署間有茅屋民居近海者與蠻人雜處常苦風飄水泊附黎者與黎

人雜居不免巢居峒處若縉紳家雖有營建不尚華飾惟取完固有古風云蕭志

貧民避火於野外構茅以棲名曰茅寮瓊有芒寮港儋有郎寮墟定安有坡寮市萬有黎

寮都樂會有薄寮泐波會同有李寮塘文昌有罟寮墩黎峒有岑寮黑寮居寮陳婆粵東筆記

寮

民居矮小一室兩房棟柱四行柱圓徑尺中兩行嵌以板旁兩行甃以石俱係碎石以坭

甃成亦鮮灰墁其木俱係格木質堅重釘不可入其紋細膩光潤如拭燕之作沈檀香

氣皆購自黎山昌江筆畧增

語音

州城惟正語村落語有數種一曰東語又名客語似閩音一曰西江黎語即廣西梧潯等

處音一曰土軍語一曰地黎語乃本土音也黃通志大率音語以瓊山郡城為正使鄉落一

切以此漸相染習皆四通八達之正韻矣牛志

有近古者古人一年四時改火以為一年之終今瓊西鄉音謂一年為一火音年盡謂之

火死音瓊東鄉音謂年為喜或謂之化化乃火之變音是皆古俗語也或間雜胡語若今

呼小帽為古邏繫腰為答博是也



城之鄙村則曰蠻子村之鄙城則曰赤父即古赤籍意父母稱呼貴賤各別上戶則稱官稱娘中戶稱哥稱嫂下戶則稱爹稱嬾厮僕發呼稱那稱坏城中指揮千戶人稱爺稱奶家稱衙百戶以下稱官稱家文職自兩京方面以上家稱大人進士郡邑以下則稱衙稱枵執爲丁相多忌怒爲小相慳鄙爲小輩細陋爲小家詰誰爲拏箇詰何如爲子麼他如下鄉外邑土語則傍東而撇黎黎語則虛上而實下如雞肉則曰肉雞縣前則曰前縣儻語討則呼煦與呼批困呼巴查崖語要呼羅萬語母呼些惟郡城音俱適間訛去韻入暮梳韻入歌考音叶巧皆市井牙販舛習也

凡子女稱祖父曰公祖母曰婆祖之兄弟曰伯公叔公祖母兄弟妻曰伯婆孀婆祖母兄弟曰外伯公曰舅公祖母兄弟妻曰外伯婆曰始婆謂父曰爹曰爸南史湘東主人之爹是也母曰娘曰媽孺子恐其難養則令稱母爲嫂或曰姐曰姆音念愛之至也父之兄弟曰伯爹叔爹父之兄弟妻曰伯姆姆姆母兄弟曰外伯爹曰舅爹母兄弟妻曰外伯姆曰始姆祖之姊妹曰姆婆姑婆祖之姊妹夫曰姆公姑公父之姊妹曰姆曰姑母父之姊妹夫曰姆爹姑爹謂兄曰哥弟曰老弟兄弟之妻曰嫂曰孀子曰仔子之婦曰新婦子女

及婢僕命名多曰那某亞某不音某未字者合稱曰儂對人自稱亦曰儂已字者按伯仲行次男曰某官女曰某孃對長輩自稱曰仔婦謂姑舅曰家婆家翁列子曰家公執席是也謂壻曰郎家螟蛉之子曰養仔盟好之子曰契子奴僕曰儂仔奴僕之子曰家生仔自稱亦曰仔謂隨嫁老婦曰老婢男曰老僕音如婦人飼乳者曰乳媽穩婆曰生儂婆僱工曰阿婆男子僱工曰伙仔耕田者曰佃丁種地者曰地丁曰園丁租室者曰室客凡匠人均稱曰師傅潮曰水潮起則曰水大潮落則曰水乾數檳榔曰幾口陸儂謝安成王賜檳榔一千口是也通志參採訪冊

節序

各州縣與郡城稍異

立春前一日府縣官至東郊迎春館街坊各扮雜劇會聚俟祭勾芒神畢前導土牛自河口過南橋從北門入府人爭撒豆穀謂可消痘疹親鄰以春餅相饋遺自元旦至四日各相拜賀初三日書帖釘赤口於門謂之禁口即日群邀漁獵謂之鬪口七日以菜七樣煮食云眼明益壽六日後坊間村落行儺禮設醮迎神懸符逐疫立天燈作鞦韆每夜張燈或爲魚龍曼衍之戲宵分羣遊放煙火環街出視以兆一歲平安用糯粉製丸



謂之元宵以貽親鄰元夕鄉落男婦二三十里者咸入城聚觀郭門弛禁各處會首集衆作上元道場建旛結綵爲熬山祝

聖壽祈年豐會首親友具香花佐供列金銀花段爲賀以豐者爲榮二月迎南火雷高涼郡主

二夫人裝軍擁從三日方止清明男婦插柳自二月至三月掃墓添土剪除荆棘謂之

撥墓四月八日浮屠氏以五香和蜜水浴釋迦佛謂之龍華會浴水之餘分送檀越細

民家婚姻有不知擇日者多於是日舉行六月六日亦然端陽前各鄉以木刻龍加之繪飾置

祝本境廟中競唱龍歌拋鷄入溪洗之謂之洗龍五月一日至四日各迎本境之龍於

會首家羣歌而飲其家先密作龍歌句以帕結之懸龍座前獨露韻脚一字俾會中人

依韻奏歌得中帕中字句者按字多寡以錢扇如數酬之至五日各村之龍咸會大溪

競渡奪標兩岸聚觀親鄰以角黍相饋遺男女各繫香囊綵縷纏臂塗雄黃飲菖蒲酒

折艾懸門採草花相鬪較勝負取菖蒲及白卉有香氣者浸水供神浴體營伍跨馬挾

弓矢會教場插柳枝較騎射名曰剪柳城中人縛竹爲船用五色紙爲飾鳴鈺鼓沿街

作競渡狀名曰旱船兒童鬪蟋蟀爲戲十一日扮雜戲迎關帝十三日畢集廟中設醮

賽愿祈保者各帶枷鎖以楮爲之有執刀峙立神前三日曰站刀甚有剪肉焚香膊刺

大小弓箭者登邁志六月六日祝竈曝衣祛蠹七月七日乞巧自初一起用彩色紙製

冠履衣裙剪金銀爲楮帛備牲醴祀祖先謂之燒冥衣十五日城鄉寺廟皆作盂蘭會

富室齋醮焚楮衣以賑孤魂八月中秋夜望月剝芋名曰剝桂皮製麵爲團圓餅蒸天

南星去皮食之小兒引蜻蜓爲戲九月九日士民携酒登高兒童放大小紙鳶角高下

十月祭墓童兒截木相擊或寸或尺許畫地爲綱遠越一丈擊過綱者爲勝名曰打迭

或以壆木及牛角旋圓木一搵下置鐵釘引繩纏打相賽名曰得樂間用竹筒爲響具

名曰響籥得樂諺曰楊柳青放風箏楊柳黃打迭忙楊柳落斲得樂冬至交相賀臘月

鄉民有祀祖祭雷之舉凡婚葬遷移率於是月舉行二十四日取竹枝掃室塵換爐灰

是夕祀竈送竈神朝帝除夕設酒祀祖辭歲子婦輩盛列酒饌供父母圍爐夜坐燃火

門外焚辟瘟丹放爆竹一更後燃燈籠內列饌送之郊外謂之送窮家人燃燈守歲共

坐不寐夜分掛楮幣貼春聯易門神桃符節序所尙類如此大抵瓊俗民專務農鮮爲

商賈故家多矜門第謹於結納近雖稍奢猶爲近古志



立春日微雨兆有年諺曰乾冬溼年禾黍滿田各府皆然惟瓊州相反曰冬溼年乾禾米滿倉冬乾年溼禾米少粒通志占歲

瓊州以海水占年諺曰海水莫熱禾穀將結海水其涼禾穀登場通志

正月元旦喜晴二月二日雷禁不敢工作以祈豐年三月三雨天蠶損秧是日喜晴四月八日乾蟲盛苗傷是日

喜重五以雨測田不雨傷高田早雨傷低田惟宜晚雨芒種以星候種種時照猪尾犁尾等星出則秧死五六西風早禾正宜七

七夜雨禾稔卷耳登場以雨暘知歲祭竈以鷄骨占年冬至忌晴喜雨冬乾歲溼禾米無粒歲除占

暗觀明天色明宜白芒禾昏黑宜黑芒禾他如虹電占旱颶母占風海熱占荒霜冷占麥五色雀占旱潦

益智實占災祥皆有驗

春正月李桃花盛柔桑可採二麥黃老圃種薑剪韭田功既興通志

二月雷發聲虹蜺見魚苗生蜩降於霧木棉橘柚華是月也農功畢作

三月溫風至梅子熟檳榔苞折催耕鳴田蛙鼓吹

夏四月榴火明榕成陰紫菱照水樹蘭綴珠白雨以時至俗曰半晴半雨早禾天

五月朱荔熟椰含漿蟬大噪鈎割鳴年早穀登場早禾自播種始計百日可割俗名拋犁望

六月白雨足西潦颶母乘潮芭蕉垂荔奴早熟龍眼曰荔奴早花者以六月六日可食是月也新穀既升亟播晚

種俗曰翻葉

秋七月秧針碧翳田浮蝴蝶營繭是月也暑始酷燦石流金

八月木芙蓉華犁粟熟芋可剝粘始穫河鮑乘潮至

九月木樨瘴發紅籬登白欖落嘉魚出於峽大粘始穫菊有黃華

冬十月嶺梅開八蠶功畢橘柚垂實潮田盡登是月也霜始下氣乃寒

十一月桃始華冬笋茁楓漸丹鷓鴣蔽葉山花時茂畚田布種是月也農歛穀屯困涸塘

以漁

十二月水仙來賓梅乃大放風蘭賀春青陽漸暢草木萌動以上俱通志